



REPUBLIKA E SHQIPËRISË
UNIVERSITETI "EQREM ÇABEJ" GJIROKASTËR
REKTORATI

Nr. 432 Prot

Gjirokastrë, më 09.03.2026

MIRATOI

Prof. dr. Jaho CANA
REKTOR



Lënda: Thirrje për aplikime për projekte kërkimore - shkencore të financuara nga UGJ

Në zbatim të Ligjit Nr. 80, datë 22.07.2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", të Statutit të UGJ-së datë 30/08/2021, Nr. 976 Prot., Kreu IX për "Kërkimin shkencor", neni 80 për "Projektet e kërkimit shkencor", Universiteti i Gjirokastrës shpall thirrjen për aplikime për "Projekte të Kërkimit Shkencor" për vitin 2026.

FUSHAT PRIORITARE

Në kuadër të misionit të tij për mbështetjen e kërkimit shkencor, UGJ fton të aplikojnë personel akademik me kohë të plotë nga të tre fakultetet, të cilët janë të interesuar të angazhohen për të kontribuar në fushat si vijon:

- Metodologjia e mësimdhënies dhe mësimnxënie;
- Zhvillimi linguistik dhe historik;
- Sistemet e teknologjisë së informacionit;
- Biodiversiteti dhe mjedisi;
- Zhvillimet demografike;
- Turizmi i qëndrueshëm;
- Trashëgimia kulturore;
- Shkencat infermierore;
- të tjera.

QËLLIMI I THIRRJES

Qëllimi i thirrjes është mbështetja e veprimtarisë së kërkimit shkencor në fushat prioritare, përmes financimit me grante nga institucioni, të propozuara nga kërkues shkencorë në UGJ.

Objektivat e thirrjes janë:

- Të mbështesë me grante projekte kërkimore të cilësisë së lartë që mundësojnë rritje të performancës së kërkuesve dhe institucioneve.
- Të mbështesë projekte kërkimore që kanë në fokus fushat prioritare.
- Të mbështesë projekt propozime që vijnë si bashkëpunim i Universitetit me biznesin, të cilat adresojnë përmirësime në teknologji, procese dhe produkte, nëpërmjet inovacionit, duke kontribuar në përmbushjen e misionit të tretë të Universitetit.

BUXHETI, FINANCIMI DHE KOHËZGJATJA

- Buxheti në dispozicion të kësaj thirrje mundësohet nga buxheti i UGJ-së për vitin 2026, zëri buxhetor “Aktivitete shkencore, kumtesa, konferenca, projekte, etj”.
- Projektet do të jenë afatshkurtra dhe do të finalizohen brenda 6 muajve.
- Vlera maksimale e financimit për çdo projekt do të jetë 700 000 lekë.

KRITERE TË PËRGJITHSHME PËR APLIKIM

- Aplikimi për projektin e propozuar duhet të bëhet nga një anëtar i stafit akademik të UGJ-së.
- Aplikimet duhet të jenë në përputhje me fushat prioritare.
- Projekt - propozimi duhet të përmbajë veprimtari që lidhen me kërkimin shkencor, duke përfshirë aktivitete si: trajnimet, tryezat e rrumbullakëta, aktivitete promovuese, aktivitete advokuese, botim artikujsh, etj.
- Në rastet kur propozimi vjen si bashkëpunim ndërmjet stafit akademik me një biznes, apo një institucion publik qendror/vendor, aplikimi bëhet nga anëtari i stafit të UGJ-së që udhëheq projektin e kërkimit shkencor. Në këtë rast partneriteti sanksionohet me një marrëveshje bashkëpunimi ndërmjet palëve.
- Përparësi do të kenë propozimet që përfshijnë studentë në grupet e punës.
- Projekt propozimi duhet të përjashtojë blerjen e pajisjeve dhe mjeteve laboratorike që klasifikohen në shpenzime kapitale.
- Grupi i punës për çdo projekt duhet të përbëhet nga të paktën 6 (gjashtë) anëtarë, 2 (dy) prej të cilëve duhet të jenë pjesë e stafit ndihmës-akademik ose stafit teknik.
- Çdo anëtar i grupit të punës mund të marrë pjesë në jo më shumë se 2 (dy) projekt propozime.
- Të paktën 2 (dy) studentë duhet të angazhohen për zbatimin e aktiviteteve të planifikuara të projektit.

- Prioritet do të kenë projekt propozimet e dorëzuara nga anëtarë të stafit akademik që nuk kanë qenë koordinatorë të projekteve fituese në thirrjet e tre viteve akademike paraardhëse.

DORËZIMI I APLIKIMEVE

Nën këtë thirrje të gjithë aplikantët duhet të depozitojnë projekt propozimet pranë Sektorit të Marrëdhënieve me Jashtë, Projekteve dhe Kërkimit Shkencor brenda afatit të përcaktuar duke përfshirë dokumentacionin e mëposhtëm:

- Përshkrimin e detajuar të projekt propozimit (Aneks 1);
- Buxhetin e detajuar të parashikuar për projektin (Aneks 2);
- Cv-në e drejtuesit të projektit;
- Marrëveshjen e bashkëpunimit në rast bashkëpunimi me bizneset ose institucionet lokale.

Afati i fundit për dorëzimin e dokumentacionit është 31 mars 2026, ora 16:00.

KALENDARI I THIRRJES

Publikimi i thirrjes	09/03/2026
Afati i fundit për adresimin e pyetjeve	27/03/2026
Afati i fundit për dorëzimin e aplikimeve	31/03/2026
Vlerësimi i propozimeve	01/04/2026 - 10/04/2026
Shpallja e fituesve	13/04/2026
Nënshkrimi i kontratës	20/04/2026

Zv/Rektore për Marrëdhëniet me Jashtë dhe Kërkimin Shkencor

Prof. asoc. Merita Isaraj

